

Universitätsbibliothek Paderborn

Lignum Vitae, Ornamentum, & Decus Ecclesiæ

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Anicia Symmachorvm Gens.

urn:nbn:de:hbz:466:1-38372

ANICIA SYMMACHORVM GENS.

Licet Illustris, & clara fuerit semper Romę Familia Anicia Symmachorum; eam nihilominus multo Illustriorem, & clariorem reddidit, qui hoc vixit tempore Quintus Aurelius Anicius Symmachus, qui vna cum genero suo Anicio Boetio II. Consulatum gessit anno Christi 522. & non multo post vna cum eodem coniuratio-
nis insimulatus, in illo nefarij Regis Gothorum Theoderici, capite truncatus est Rauennæ, an. Christi 526. die 28. Maij, altero à mor-
te S. Ioannis Papæ: quā de re in album Sanctorum relatus, inter
Martyres computatus est. Agunt de eo plura Carolus Sigonius
de Occidentali Imp. lib. 16. Rubeus, lib. 3. hist. Rauennatis, Cassio-
dorus, & alij.

Ex vxore geniti:

Anicius N.

Anicius N.

Rusticana, mulier ingeniola, & pudicitia singulari: uxor Boetii secunda: de qua ipse Boetius tale profert testimonium de consol. Philos. lib. 2. profa 4. *Vinit vxor ingenio modesta, pudicitiae pudore praeclens,* & ut

omnes eius dotes breuiter concludam patri (Symmacho scilicet de quo paulò ante dixerat) similis. Hæc, referente Procopio lib. 1. de bello Gothicō, patre, & uiro occisis à Theodorico Rege bonis omnibus spoliata, eo mendicitatis adducta est, ut ab hostib[us] panem, ac cætera necessaria corrogauerit, seruilibus indumentis indua, quæ egentes sua beneficentia sustentarat. Insuper anno 546. qui erat à viri morte 20. à Gothis insimulata, quod per milites Romanos Theoderici Regis statuas deturbasset, à Totila Rege metu, periculoque mortis exempta est, atque una cum cæteris fœmiis conseruata.

Peperit uiro suo Boetio duos filios, } Boetium, &
Vti in Boetio annotauimus.
Quando obierit illa incertum.

Gradus VI. Anicianus XXII.

Fl. Anicius Vitalianus Probus, V. C. Vitaliani Probi filius, longa Italici belli administratione Gothicis armis assuetus, necnon & Consulari dignitate ornatus, qui subscriptus inuenitur in donationibus Tertulli Patriij, & Gordiani, Prooui S. Gregorij Papae, S. Patri Benedicto factis, in prima quidem sic.

Ego Vitalianus Consul subscripsi.

In secunda vero, hoc modo: Ego Vitalianus Pat. & Conf. Vxorem habuit N. Anonymam, Germani, Iustiniani Imp. fratri filiam, ex qua filius suscepit Felicissimus. De eo, eiusque uxore, Germani filia, agit item Sabellicus, Enneadis octaua, lib. 4.

N. Anicia, Iustiniani, & Theodoræ Imp. filia, cuius nomen hactenus in historijs latet, nuptum datur Anicio Germano, Dorothei filio, ex quo Iustinum II. Imperatorem peperit; & Biduarium.

Fl. Anicius Iustinus, Probus, V. C. Germani, Iustiniani Imp. fratri, ex prima suarvxore filius, cuius mentionem Procopius lib. 3. de bello Gothorum, eiusque fidem erga Imp. Iustinianum Patruum suum mirificè collaudat, Consulatum gessit in Oriente, sine collega an. Christi 540. qui sic notatur à Panuino lib. 3. Fastorum.

Fl. Iustinus, Germani F. V. C.

Et hic grauiter euauerunt nonnulli, qui hunc Iustinum

pu-

putauerunt Iustinum II. Iuniorē qui post Imperator fa-
etus est, cum hoc anno 540. Iustinus, nec eius Pater Germanus nondum nati essent, ut infra patebit. Impege-
runt & alii qui hunc eundem cum fratre, & sorore,
Germani filios ex Mathasunta fuisse scripsérunt, at tem-
pora id non patiuntur. Mathasunta namque non ante
annum 542. Germano nupissé perhibetur, quo uir eius
Vitigis Rex mortuus est, & filium unicum tantum, eū
que Postumum, Germanum nomine legitur peperisse.
Iustinus vero illo anno iam grandæus erat, ut in Pro-
copio videre est. Hic ut Euagrius lib. 5. c. 9. refert,
& Panuinus lib. 2. princip. Rom. ex ipso, ab Imp. Iusti-
no II. iuniore, propinquo suo, Cæsar & Augustus appellatus,
anno Christi 566. Imperii sui primo; paulo post
ab eodem coactus abdicauit, & Alexandriam in exilium
missus, ibidem occisus est, post Consulatum. Fl. Basili
V.C. anno 25.

Flavius Anicius Iustinianus, Probus, Germani Ani-
cii, ex uxore prima filius, predicti Iustini frater, cu-
ius meminit Procopius lib. 3. de bello Gothorum, tacito
tamen nomine, quod accepimus ex Panuino lib. 2. prin-
cip. Rom. Bello Italico contra Gothos in Italia a patre suo
incepto, una cum Iustino fratre, & Ioanne, ac Vitalia-
no VV. Patriciis & Coss. adfuit: deinde ab Imp. Tibe-
rio, initio imperii sui Cæsar Aug. appellatus, non longe
post eodem Imp. cogente abdicauit, anno Domini 576.

N. Ani-

N. Anicia Proba, Germani filia, ex prima uxore, nupsit fratruelis suo Vitaliano, V.C. Vitaliani filio, ut cum aliis etiam Sabellicus testatur Ennealis 8. lib. 4. ex quo mater effecta est, S. Felicissimi Monachi Casinensis.

Flavius Anicius Germanus, Probus, Constantopolitanus, Germani ex Mathasuenta uxore secunda filius Postumus, V. C. & Patricius; ducta Charitone, Tiberij Imp. filia, per eam eius gener factus est, & ab ipso una cum Mauricio altero eius genero Cæsar. Aug. appellatus anno 590. imperavit annos 3. mensem 1. & dies aliquot. Tandem anno 593. circa Calendas Augusti, etatis sua 50. finito, Constantinopoli obiit, paulo ante mortem Tiberii Imperatoris, relictis duobus liberis, Theodosio, ac filia N. anonyma.

Anicius Germanus Patricius, V.C. Illyrius, in ciuitate Bederina, que nunc est Iustinopolis natus, Dorothei, & Bligentiae Aniciorum filius, strenua nobilitatis & animositatis iuuenis, ut refert Agathias, qui res eius gestas egregie prosequitur lib. v. non longe à fine: gener Imp. Iustiniani ob eius filiam. N. anonymam, quam in uxorem duxit effectus, ex illa filios duos procreauit, Iustinum videlicet, qui post Imperium adeptus est, & Biduarium, ut tradunt cum Panuino, lib. secundo Roman. princip. alii tum antiqui, tum etiam recentiores Historici.

Anicia

Anicia Princta, siue Preicta, Anicij Dorotheti filia, in primis nuptijs primum coniuncta est A-
reobindo nobilissimo, & Senatorij ordinis viro, qui cum
ab Ulitheo iussu Gontharij tyranni proditorie in lecto
fuisse occisus, tradita est ab Auunculo suo Iustiniano Im-
per. Ioanni viro Consulari, ut prodit Procopius lib.ii.
de bello Vandalico, & lib.iii. de bello Gothorum.

S. Anicius Placidus Probus, Tertulli Patricij filius,
septennis S. P. Benedicto Patris sui fratre oblatus,
ut monasticis imbueretur disciplinis, post XIII. in mo-
naistica perfectione exactum annum, ab eodem S. P. Be-
nedicto in Siciliam ad Cinitatem Messanam missus, cum
aliquot fratribus, anno Domini 536. Sexennio post una
cum fratribus suis, & sorore, ac triginta tribus Mona-
chis, quibus Abbas praeerat, à Manica Barbaro tyran-
no, martyrio coronatus est, die quinto Octobris, an. Chri-
sti 541. Cuius corpus postquam mille, & amplius an-
nis latuisset, his nostris temporibus anno Christi 1588.
sub fælicissimo Sixti V. Pontificatu, diuina operante cle-
mentia inuentum est, die 4. Augusti.

S. Anicius Victorinus Probus, Tertulli filius, mar-
tyrio coronatur simul cum Placido fratre.

S. Anicius Euthicius, Tertulli filius, Probus, cum fra-
tribus martyrij laurea coronatus est.

S. Anicia Flavia Proba, Tertulli filia, una cum
tri-

tribus fratribus, post innumera tormentorum genera,
martyrij coronam percepit.

Anicia Silvia Proba, Tertulli filia, nupsit Ilduino
Martio Duci Mediolanensi, ut auctor est Thomas Por-
cacchius lib. 3. Familiae Malaspinae: ex quo mater effe-
cta est Accini Martij, qui Martio cognomento relitto,
primus Familiae Malaspinae nomen intulit: & Alsuinda
Martiæ, uxoris Garimbaldi Baioariorum Regis.

S. Anicius Maurus, Anicij Aequitij filius, duoden-
nis S.P. Benedicto in monastica disciplina imbuendus à
patre traditus, ita breui omnem monasticae perfectionis
vitam arripuit, ut ipsi etiam S.P. Benedicto admir-
abilis inde haberetur. Ab eo deinde in Gallias missus
anno 541. Ordinem Monasticum in illam prouinciam,
sub Regula S. Patris sui militaturum fundavit; &
anno ingressus sui in Galliam 41. Christi Domini 583.
etatis sue 74. plenus sanctitate, & miraculis clarus,
apud Monasterium Glanofoliense, in ciuitate Andega-
uensi ab ipso constructum, migravit ad Christum die de-
cimoquinto Ianuarij.

Anicius Gregorius, Anicij Gordiani filius, V.C. &
Illustrissimus Consul, ut in instrumento donationis pa-
ternae, in Gordiano notato, nomiuatus, & subscriptus
reperitur hoc modo: Ego Gregorius filius eius Con-
sul Ill. subscripti.

Verba

D
VIIon.
Vita.
Verba R.P. Cæsaris Baronii in notis Martyrologij Romani, ad diem 25. Februarii, ubi dicit S. Gregorium Papam, hoc tempore, videlicet Felicis IIII. Papæ, qui Pontificatum init anno 526. & obiit 530. iam natum fuisse, videntur quasi de hoc Gregorio debere intelligi: at si rectè considerentur illa quæ adfert Gordianus in sua donatione, dicens se omnia quæ ibidem numerantur S. Benedicto obtulisse, interuentu filii sui Gregorii, propter spem quam habebat in prædicto S. Patre, & discipulis suis, Mauro, Placido, & Felicissimo: itemq; subscriptio ipsiusmet Gregorii, ubi se Consulem appellat: necnon & illud quod ipsem S. Gregorius Papa dialog. lib. 2. c. 1. fatetur, videlicet, se S. P. N. Benedictum non vidisse, sed omnia eius acta didicisse, & habuisse à qua tuor eius discipulis; de alio Gregorio quam de præsenti intelligenda uenient: nam et si ipse S. Gregorius tunc etiā natus fuisset, quod nec affirmo, nec nego, puer unius, uel duorum annorum ad summum esse debebat, & ab hu- iusmodi ætatis pueris, omnia superius enarrata expleri nequeunt. Habuit Gregorius uxorem, cuius tamen nomen necdum repperi, ex qua geniti, Gordianus, Thar- silla, Aemiliana, & Gordiana.

Anicia Paulina, Anicii Gordiani filia, nuptum datur nobilissimo viro Peranno Martio Romano, & Romani exercitus Duci contra Totilam Gothorum Regem: ex quo connubio natus est Ildouinus Martius, qui postmodum factus Dux Mediolanensem, & duxit in uxo-

rem

rem Siluam de Familia Malaspina in hac verba Ita-
lica: Hebbe Perannio per moglie Paolina fi-
gliuola di Siluia, & di Gordiano, ch'essendo del-
l'istessa linea di Tertullo Essadelfo, veniua ad es-
sere stretto parente dell'Imperator Giustiniano.

Gradus VII. Anicianus XXIII.

S. Fælicissimus Anicius, Anicij Vitaliani filius, cuius
memoriam agunt Petrus Diaconus de SS. Montis Ca-
sini, cap. v. Gordianus S. Gregorij proanus in donatione
sua, & Gordianus Monachus in epistola ad S. Mau-
rum, alijque nonnulli, à patre suo Vitaliano S. Patri-
Benedicto in monte Casino oblatus, post multos in Reli-
gionis perfectione, ac Monastica obseruantia, peractos
annos, in sanctitate diem clausit.

Anicius Theodosius, V. C. & Patricius, Germani
Patricij filius, & Imp. Tiberij ex filia Charitone nepos,
uxorem duxit N. Mauricij Imp. filiam, cum qua ac
tota predicti Mauricij Imp. Familia, occisus est Foca
Imp. iubente, anno Domini 602.

N. Anicia, Germani Patricii filia, ac Theodosii so-
ror, nupsit Theodosio Imperatori, Mauricij Imp. filios
& occisa refertur cum fratre suo anno prefato 602.

Flavius Anicius Iustinus II. Iunior, Imperator,
Anicij

Anicij Germani ex filia Iustiniani Imperatori filius,
Constantinopoli natus, Imperatore Iustiniano mortuo
Idibus Nouembris ipso obitus eius die, ex Curpalate,
anno Christi 565. Imperator acclamatus, à Ioanne Pa-
triarcha coronatus est, uxor Sophia Augusta uxore
re. Imperavit anno 10. Menses 10. & dies 20. Tan-
dem pedum dolore grauiter laborans, decessit 6. Nonas
Octobris, anno 576. & Constantinopoli sepultus est,
nullis filijs relictis.

Anicius Biduarius, Anicij Germani filius, de cuius
rebus gestis, præter nudum nomen apud Historicos me-
moria nulla exstat.

Anicius Gordianus, Anicij Gregorij filius, V. C. &
Romanus Consul, cuius meminit S. Gregorius Papa lib.
dialog. 4.c. 16. & hom. 38. in Euang. & cuius item me-
moria extat in donatione eiusdem Monasterio Casinensi in
persona Boniti Abbatis facta, anno Christi 565. Indi-
ctio. 2. die 14. Mensis Iulij, quam donationem de ver-
bo ad verbum adferemus ad S. Gregorium Papam, eius
filium. Nominantur in eadem donatione uxoris eius Sil-
via Octavia, & Gregorius filius eius, quem ex illa su-
scipit.

S. Tharsilla, Anicij Gregorij filia, cuius meminit S.
Gregorius Papa locis supracitatis: ab ipsa sua infantia
Deo sacrata, in virginitatis, & religionis proposito per-
seuerans, eadem nocte meruit renasci in cælis, qua spon-
sus

D
Vita

Vita

sus eius Christus pro nobis natus fuerat in terris.

S. Aemiliana, Anicij Gregorii filia, ac S. Tharsilla tam carne, quam voto soror, de qua agit idem S. Gregorius ibidem, die quinto Ianuarii clara miraculis, & sanctitate migravit ad sponsum.

Gordiana, eiusdem Anicii Gregorii filia, uno quidem ardore, ut refert S. Gregorius Papa, cum sororibus suis conuersa est; sed postmodum ad ollas carnium Aegypti susppirans, manu de aratro Domini reiecta, Hortulano suo nupsit.

Gradus VIII. Anicianus XXIIII.

Sanctus Anicius Gregorius, Anicij Gordiani filius, primum Illustris Romanorum Consul; deinde mundi pompis abdicatis, et opibus in usum pauperum distractis, monachus factus est in Monasterio S. Andreæ Romæ, ab ipso cōstrūcto sub Regula Diui P. Benedicti: mox Abbas, & S. R. E. Archidiaconus Cardinalis, ad extremū Summus Pontifex electus, & consecratus anno Christi 591. Indictione 9. tertio nonas Septembris, à rebus preclare gestis, Magni cognomentum à posteritate promeruit. Sedit in Apostolico solio annos 13. Menses 6. dies 8. & duabus Ordinationibus, Mensibus Martio, & Decembri factis, Episcopos 62. Presbyteros 39. & Diaconos quinque creauit. Demum sanctitate, & doctrina, cuius causa unus inter quatuor Ecclesiæ Doctores

est

est habitus, miraculorumq; gloria clarus Spiritum Deo,
corpus terræ reddidit, anno Christi 604. Indictione 7.
die quarto. Idus Martij; Et sepultus est ad S. Petrum
ante Secretarium. Vacavit sedes eo mortuo Menses
quinq; Et dies 19.

Sanctissimum hunc Pontificem, eiusq; Progenitores Anicios suis,
quicquid nonnulli in contrarium adferant, docent tum alij au-
tores, tum maxime instrumentum quoddam antiquum Montis
Casini, in quo continetur donatio Gordiani Senatoris, S. Gregorii
patri, facta Bonito Abbatu, cuius instrumenti pars, ex antiquo Ca-
sinenium Monachorum libro MS. extracta.

hæc est;

In Nomine D. Dei Salvatoris N.I.C. Imperante Domino Iustino Ju-
nio re, Perpetuo Augusto, Anno iij. post Consulatum eiusdem Domini N.
anno ij. Indictione II. Mense Iulij die xiiij. Sancto & Venerabili monaste-
rio in monte Casino à Beatisimo Benedicte constituto, in quo est Bonitus
Reuerendissimus Abbas, & per eum cunctis suis successoribus in ipso San-
ctissimo Monasterio mansuris, & regulariter substituendis in perpetuum,
Pro laude, gloria, & honore Dei, & Beatisimi Benedicti, in quibus fidu-
ciam habeo: Ego Anicius Gordianus, pro Dei omnipotentis amore, & re-
demptione animæ meæ, & meorum parentum: item amore, & animæ sal-
vatione dilectionis nostrorum parentum Symmachii, Tertulli, Vitaliani,
Aequitii, Dorothei; Interuentu quoque & postulatione dilectionis filii
mei Anicii Gregorii, de presenti in perpetuum concedo, dono, & offero
tibi serue Dei, Bonitio, fundos, villas, & possessiones, quæ ad me ex parte
Anicia stirpis, & Silvia meæ coniugis pertinent in territorio Aqui-
neus, &c. Item infra in eodem instrumento, nā illa tantum adfero
quæ presenti instituto seruiunt, paulò post subditur. Hæc omnia dile-
ctionis filii mei Gregorii interuenutu, pro redēptione animæ meæ, &
Silvia iugalis meæ, rotiusque Anicia stirpis a presenti die largier nobis pro
sustentatione fratrum in eodem Monasterio permanentium, &c. Con-
firmatur id & a F. Onuphrio Panuino in Epitome Pontificum Ro-
manorum in folio, his verbis. Felix iij. natione Italus, ex patre Feli-
ce Presbytero Cardinale R.E. in titulo Fasciolæ, de nobilissima domo A-
nicia (quæ postea Fregepanum appellata est) S. Gregorii Magni Do-
ctoris Attanus, &c. Item & in libris quos de familia Frangipania

i 2 scripti

D
Vita
mon.

Vita

scripsit, sic inquiens: *His quoque temporibus vir sanctissimus, & per omnia religiosus Anicius Felix, S.R.E.Presbyter Cardinalis SS.Nerei, & Archilei tituli Fastiolae, in Romana Ecclesia fulgebat, &c.* Prædictum autem instrumentum Casinense, diuersum esse ab illo quod est in fine Chronicæ Casinensis excusum licet multis demonstretur, utpote quod illud sub Iustino seniore anno Christi 529.S.P.Benedicto Abbatे uiuente, istud uero sub Iustino Iuniore anno 569.tem pore Abbatis Boniti, facta legantur: at præcipue id elucet ex uestib⁹ Gordianorum, in primo namque instrumento excuso dicit Gordianus se deuenisse ad montem Casinum, una cum Tertullo, Symmacho, Vitaliano, Equitio, ac Dorotheo parentibus suis, & omnia illa largiri S. P. Benedicto, à quo benigne suscep⁹tus fuerat: in isto uero instrumento MS. facetus alter Gordianus, S. Gregorij pater, se illam donationem Bonito Abbat⁹ facere, pro animæ saluatione predicatorum parentum suorum Tertulli, Symmachi, Vitaliani, Equitii, ac Dorothei, qui iam defuncti erant.

Prædictis tamen obstare uidentur ea, quæ in antiquis rerum Venetiarum libris patrī sermone ante annos ducentos conscriptis refuruntur. In illis enim postquam de origine gentis Michaeliæ, quæ ex Urbe ex Frangipania gente oriunda erat, auctum est, sic habetur:

Item nota como S.Griguol Papa, fu di questa casa.

Necnon & ea quæ adfert S.Antoninus Archiepiscopus Florentinus parte 3.summæ histor. cap. 90 sic inquiens; *Vbi Cardinalis ex Ordine Predicatorum fuit Dominus Latinus, de nobili stirpe Romanorum, scilicet Frangipanibus, de qua fuit Papa Gregorius Magnus, Ecclesiæ Doctor, &c.* Quibus adiungitur & peruetus traditio, opinioque illa quæ dicit S.Gregorium ob pietatem qua in pauperes uiebatur, secundum illud Esaiæ c. 58. *Frange esurienti panem tuum*, primum hoc nomen Frangapanis tulisse, quod ab eo sic acceptum, ad posteros quoque derivatum est: & in coniecturæ suæ testimonium addunt, primum item fuisse, qui prisca Candidæ turris in rubro (sive ut alii malunt in cœruleo) Aniciorum insignia, in Leones duos aureos, unguibus prioribus aureum panem frangentes, in rubro similiter, sive cœruleo, quod postmodum fuit Frangipanorum insigne, transmutarit. At hæc omnia non ita intelligenda uenint, ut dicamus S.Gregorium ex Frangipania familia (quæ nondum erat, nec exorta refertur nisi anno centesimo & amplius post eius inortem) fuisse, sed eo sensu accipienda, ut agnoscamus eundem S. Gregorium, ex ea gente Anicia fuisse, quæ postmodum mutato nomine,

antiquato

antiquato gentilitio, ex Anicia, Frangipania appellata est. Quod & ratione probatur, nam et si S. Gregorius nomen sibi Frangepanis à pietate promeruerisset, vt dicunt, ad posteros eius hoc nomen transferre non potuit, cum Ecclesiasticis addicetus, nūquam vxorem habuisse legatur, nec filios procreasse: imo, vt uidere est, linea Anicia Proba, in eo defecisse uidetur, nec ultra eum se extendisse. A recentioribus autem Frangipanorum ideo illi insignia data, quod prisca Aniciae familia ignorarent; nā de S. Gregorij insignibus apud antiquos nulla mentio est. Adde, quod Panuinus in epitome supracitato loquens de familia Anicia, & S. Gregorio Papa, non dicit eundem ex familia Frangipania fuisse, sed tātum, ex domo illa nobilissima Anicia originem traxisse, quae postea in Frangipaniam transmutata est; sed quando, hoc in libris quos de familia Frangipania scripsit, dicit seignorare: quod nos, Deo dante in subsequentibus, in Perleonia familia, demonstraturi sumus.

STIRPIS ANICIAE.

Stemma Tertium.

O L Y B R I V M.

Gradus I. Qui est Anicianus XVIII.

§. xj.

Sextus Anicius, Hermogenianus, Olybrius,
V. C. Sexti Anicij, Petronij Probi Se-
nioris, ex Proba Faltonia, filius, cuius
Consulatus, quem cum fratre suo Sexto
Anicio Probino gessit, notatur in Fastis
Consularibus ad annum Christi 395. qui erat Urbis con-
ditæ annus 1147. Hic Panegyrico decantatus est à Clau-
diano,

i 3 diano,